

MAT - MADA - Wakita ge Zigla ara kwatar Mada

Mat

Matiyø

Kwatar marəba ga Yezu ana Matiyø apakal

Kwatar marəba ga Yezu ana Matiyø apakal

Matiyø

Mapafaŋavaraaŋa

Azzlam mapakala oŋgongwada ana tezləbeləvere a wakita va ga Matiyø ma, eke kwatar marəba ana Mark ambaďa:

Kwatar ga Zeaŋ Batist (3.1-12).

Mabala ata mokmanakaba ga Yezu (3.13-4.11).

Ettew ga Yezu erea Galile, ana ambaďa ka acacahatala azzlam a muuza mbiyez ara membeleŋa ezle ede-mawala (4.12-18.35).

Zlaaka uuro adva Zerozalem (19-20,)

aslam ana Yezu ecəkedere enøkwe dezl: ana gosko ftek ana sariya ya mamta azləbalkabara, makďa naďa, graŋ-graŋ ya maŋgaaba gaŋa ara mambakava gaŋa (21-28).

Ama Matiyø azafaŋa sarta afa mapafaŋavara gaŋa ma, (1-2) afa slere ga Yezu, afa mefe ata mackada ga Yezu ya klahəweze va. Amapakalava nehe aana, esleŋara ka wa na Yezu nehe way ana àmazgal naď ha afa mambada kwatar marəba ɸwwe gaŋa: Bba oŋgo zal mɸɸbeŋa ana tavlamne, ama vvaď ma, Emanɸwel (Zigla ekeara məne), yaŋ aana ehəleŋva azzlam ana Zigla ambaďa erea wakita va mandakwa.

Kwatar marəba ana Matiyø apakal ma, ambak mɸɸde gamənda pam ana agakaba aslam marəba ya macacaha ga Yezu ana eke gargəra zlam:

1) Mambada kwatar ge Zigla erea aka uma (5-7), ana ambak dzerere enndeəŋa ana ezle ɸwwe ya mla Bba va ge Zigla takəŋgasl.

2) Mandəha ana tavlatal ezle na tàmbadakala aka mawa ga mla Bba va nehe (10).

3) Edəŋa mandəha ya mla Bba va nehe ma, ambak ara kwatar masəla gargəra slaasəla: mla Bba va nehe naaka ma, eke

mandəhaaŋa, ama gulla gaŋa àmecenva dik (13).

4) Ahawa na mackaɗa romma-romma a mlam awa hinne ana eke mlam ɗɗwe haway (18).

5) Ahawa na maŋgasl mandavara ya gulla ya mla Bba va nehe haway (24-25).

A kwatar marəba ɗɗwe va ana Matiyœ apakal ma, Yezu ambakva aka Oŋgo ana awa ta mazlɓakal mlam ɗɗwe ya mla Bba va vɗad ma, awatalara ezle na tuuro macacaha ya na tongov ta tege side aslam ge ezle gamənda.

1

Slala ga Yezu

(Luk 3.23-38)

¹ Slame ga ta dedeŋ e dedeŋ a Yezu Kriste ana aslaaba a Davit awa bba oŋgo, ana yaŋ-yaŋa eke slala va ga Abraham ma, ehinne:

² «Abraham efe Izak; Izak efe Zeakop; Zeakop epe ata Zɗda ara rommaŋ; ³ Zɗda epefaŋa ata Farez atal ata Zara afa Tamar; Farez efe Esrom; Esrom efe Aram; ⁴ Aram efe Aminadab; Aminadab efe Nason; Nason efe Salmaŋ; ⁵ Salmaŋ efefeaŋa Boz afa Rahab; Boz efefeaŋa Obet afa Rɗt; Obet efe Zesse; ⁶ ka Zesse efe Davit bba oŋgo;

bba oŋgo Davit efefeaŋa Salamaŋ afa wal ga ɗri; ⁷ Salamaŋ efe Robowam; Robowam efe Abiya; Abiya efe Assaf; ⁸ Assaf efe Zozafat; Zozafat efe Zoram; Zoram efe Oziyas; ⁹ Oziyas efe Yotam; Yotam efe Akaz; Akaz efe Ezekyas; ¹⁰ Ezekyas efe Manashe; Manashe efe Amon; Amon efe Zozyas; ¹¹ Zozyas epe ata Zekoniya ara rommaŋ, epetal a sarta va ya ana tagasa bza ge Israyel tuuroatal a Babilon.

¹² Afalaŋa toddorratalá a Babilona ma, Zekoniya efe Salatiyal; Salatiyal efe Zorobabel; ¹³ Zorobabel efe Abiyud; Abiyud efe Eliyakim; Eliyakim efe Azor; ¹⁴ Azor efe Sadok; Sadok efe Akim; Akim efe Eliyud;

¹⁵ Eliyud efe Eliyazar; Eliyazar efe Mattaŋ; Mattaŋ efe Zeakop;

¹⁶ Zeakop efe Zɗzef zal ga Mari; ammaŋ a Yezu, ana tazala Kriste.

¹⁷ Daga afa mefe ga Abraham awakalavara aka Davit ma, slala engelebere dzomok maŋgar uffad ana tepe; aksakalava aka Davit ha afa sarta ana tagasa bza ge Israyel tuuroatal a Babilon ma, slala dzomok maŋgar uffad ana tepe tal; ka ya ana aksakalava aka nehe ha

afa mefe ge Kriste tuksa slala dzomok mangar uffad ana tepe tal.

Mefe ga Yezu Kriste

(Luk 2.1-7)

¹⁸ Ehinne ka ahawa ana tefe Yezu Kriste haway. Amman aana Mari, makasl ge Zuzef ana mbiyez tasal ana àmaaza. Mari ekeara hod afalaŋa tahalavá dzeka tam, azza hod a ara ndzəda ga Massafa Cazzlarraka. ¹⁹ Zuzef makasl gaŋa ana andzah kida akama ge Zigla ma, yaŋ 'oŋgov ta madmatalaba naɗa a mbiyez da ma, oŋgov ta mambra makasl gaŋa nehe ara akal tebiyya. ²⁰ Afalaŋa yaŋ aka yahangar ma, Malika ga Oŋŋgo awakala a mozdogoso va ahala: «Zuzef slala ga Davit bba oŋŋgo, gubar maazam kwal ya mazza Mari aka wal goko da, adaba ara ndzəda ga Massafa Cazzlarraka aana ekeara hod nehe.

²¹ èmefe kla zala, kèedel sləme kàazala Yezu^a, adaba ana yaŋ aana èmeɯbenjaba ezle gaŋa a ciche va ye mehəsheŋa gatala.»

²² Azzlam etille tazadva akaya na Oŋŋgo edeara abarraba a zal maslala va gaŋa kazaŋ:

²³ «Ehinne klarama ana 'asal zal da àmaaza hod a, èmefe kla zala, tàazala: Emanɯwel.»

sləme nehe ma, oŋgov ta mala: «Zigla ekeara mne.»

²⁴ Afalaŋa Zuzef aməndzerraba ma, azad ede nehe akaya na malika ga Oŋŋgo admalá kazaŋ, ka azza Mari aka wal gaŋa. ²⁵ Ama aahladará naɗa tam, ha efe kla nehe, ana Zuzef azala Yezu.

2

Ezle masəla azzlama, aka mawzlawazla tawa tecəkwə Yezu

¹ Tefe Yezu a Betlehem aka ahhaŋ ga Zude a zamana va ga Erod ana ekevere a bba va oŋŋgo. Allanjaba ya mefe gaŋa ma, ezle masəla azzlam aka agwarəzla teslelenjere adva gezze. Tawa a Zerozalem.

² Ka teddeyeŋ tala: «Bba ge ezle Zɯwif ana tefe naɗ kondoh hinne taa, ekea aŋay? Adaba ana daga erea gezze ava gele ma, netemeŋá agwarəzla gaŋa, aana nanama ta nazləbam naɗ.» ³ Afalaŋa ana bba oŋŋgo Erod eceŋ kwatar nehe neke ma, godogo ɯsheŋkalava atal ara

^a**1.21** Yezu nehe ma, oŋgov ta mala: Zigla ɯbenjeya mbiyezea.

ezle ya Zerozalem cici. ⁴ Zlaama azalakaba ezle maslam ge Zigla oŋŋoŋgwada ara mɛshe ya mocoama eddenƴatala, ahatala: «Aŋa ana tɛfe Kriste vit ŋay?» ⁵ Atal tahalkala: «Erea Betelhem aka ahhaŋ ga Zɛde. Adaba ana zal maɗmara kwatar ge Zigla apakalá ana ala:

⁶ «Nakw Betelhem mla aka ahhaŋ ga Zɛde ma, dadana ma, nakw aana maŋgallaŋ ya ksa ya aka ahhaŋ ga Zɛde da; adaba a nakw ava aana bba àmaslaaba, ana àmaadatal akama ezle gwala, bza ge Israyel.»

⁷ Zlaama Erod azalakaba ezle masɛla azzlam a cɛked, ka eddenƴatala ahatala: «Ahamma ana agwarɛzla nehe ambakatalva hammay?»

⁸ Zlaaka yaŋ osloloatal a Betelhem ahatallaŋa: «Nomoro kedeyemenkaba azzlamaaŋa leele aka kla nehe, gata afalaŋa kazlɛbamalá ma, kaɗmuma, gata nuuro nazlɛba naɗ te.»

⁹ Afalaŋa tecená mɛɛde ga bba oŋŋo ma, tedeva a voto va tuuro. Zlaama teten agwarɛzla ana tetenara adva gezze dzek, adatal akama, ha astakaba aslam ana kla nehe eke. ¹⁰ Afalaŋa teten neke ma, avlatal maŋgayakala dik. ¹¹ Atal taŋga agaba, ka teten kla ehɛneba atal ata Mari ammaŋ, teslekala hoedɛdoem a, ta tazlɛba naɗ; zlaaka tapasayakaba azzlam gatala, tahalaaba azzlam ya gura ara nazassa gargɛra sɛla ata aŋsaŋ ata myre^b, ka tahalal mambɛlaaŋa. ¹² Zlaaka Zigla ɛdeara tal a mozdɔgosno va ahatala: «'Kabama aslam ga Erod vvaɗ da.» Mahɛzlaraaŋa ma, atal tasla tazza voto enne, ka tuuro aka ahhaŋ gatala.

Tacɛkwara kla nehe tuurara Ezypte

¹³ Afalaŋa ana ezle masɛla azzlama taslá ma, Malika ga Oŋŋo ambakalva a Zɛzef a mozdɔgosno va, ka ahala: «Slaaba, azza kla atal ata ammaŋ, cɛkwa uuro a Ezypte, ckenere, ha afalaŋa ana nahakwa: mbɛdekerevere kaɗa. Adaba ana Erod àmaadba kla hinne akaya na ta makad naɗ.» ¹⁴ Zɛzef aslaaba, azza kla atal ata ammaŋ aravvaɗ nehe, uuro ebiyere Ezypte. ¹⁵ Ecɛkedere, ha afa mamta ga Erod, aana neke ana eɗe nehe azadva akaya na Oŋŋo admalá a zal maɗmara kwatar gaŋa ana ala: «Nazalá kla gwala ta meslere Ezypte.»

^b**2.11** *aŋsaŋ ata myre* ma, okrom ye dezl ana tagrara nazassa ka tehɛleŋ.

Mabza bzaagam

¹⁶ Afalaŋa ana Erod aselá ana ezle masela azzlama toviyoró dava ma, andala aha dik. Yaŋ opoloro slɛdze gaŋa ta tabaz bzaagam ya Betelhem, akabara ya afa aluva, bzaagam mazgwara ana tekeara viya sɛla-sɛla akabara ya ana takcaba; efenere afa kwatar ge ezle masela azzlama aaka ana tetenjá agwarɛzla kazaŋ. ¹⁷ Ede nehe azadva akaya na Zeremi zal madmara kwatar ge Zigla edeara dzek ana ala:

¹⁸ «Mazlaha ara tuwa ehɛnderea a ksa va ya Rama, tetɛwe, tedzedabara boblo dik.

Mbaca Rashel aana etɛwe bzaagam gaŋa,
tallam nad tuksa oŋgov da, adaba ana bzaagam gaŋa teene vvaɗ da.»

Membɛdekerevere erea Ezypte

¹⁹ Afalaŋa ana Erod amtá ma, Malika ga Oŋŋgo ambakalva a Zɛzef erea Ezypte a mozdɔgosno va ahala: ²⁰ «Slaaba azza kla atal ata ammaŋ, ta kambɛɗakalva kuuro aka ahhaŋ ge Israyel, adaba ana ezle ana tongov ta takaɗ kla hinne ma, tamtá.» ²¹ Zlaama Zɛzef aslaaba azza kla atal ata ammaŋ edeva a voto va, ya muuro aka ahhaŋ ge Israyel. ²² Ama afalaŋa